

# **Герб**

**ЎЗБЕКИСТОН РЕСПУБЛИКАСИ ДАВЛАТ ГЕРБИ**



Давлат герби Ўзбекистон Республикасининг 1992 йил 2 июлдаги 616-XII-сонли [«Ўзбекистон Республикаси Давлат герби тұғрисида»](#)ги Қонуни билан тасдиқланган.

Ўзбекистон Республикаси Давлат герби қуидаги күринишга эга: тоғлар, дарёлар ва сүл томони буғдой бошоқларидан, ўнг томони эса чаноқлари очилған ғұза шохларидан иборат чамбарга ўралған гуллаган водий узра қуёш заррин нурларини сочиб туради. Гербнинг юқори қисміда Республика хурлигининг рамзи сифатида саккизбурчак тасвирланған бўлиб, унинг ички қисміда ярим ой ва юлдуз тасвирланған. Гербнинг марказида баҳт ва эркесварлик рамзи

— қанотларини ёзган Ҳумо қуши тасвиrlанган. Гербнинг пастки қисмида Ўзбекистон Республикаси Давлат байроғини ифода этувчи чамбар лентасининг бандида «Ўзбекистон» деб ёзиб қўйилган.

Ўзбекистон Республикаси Давлат гербининг рангли кўринишида: Ҳумо қуши ва дарёлар — кумуш рангида; қуёш, бошоқлар, пахта чаноқлари ва «Ўзбекистон» ёзуви — олтин рангида; ғўза шохлари ва барглари, тоғлар ва водий — яшил рангда; чаноқлардаги пахта — оқ рангда; лента — Ўзбекистон Республикаси Давлат байроғининг рангларини акс эттирувчи уч хил рангда; саккизбурчак — олтин зарҳал билан ҳошияланган ҳолда ҳаво рангда; ярим ой ва юлдузлар — оқ рангида тасвиrlанган.

### **ҚОРАҚАЛПОҒИСТОН РЕСПУБЛИКАСИНИНГ ДАВЛАТ ГЕРБИ**



«Қарақалпоғистон Республикаси Давлат герби түғрисида» Қонун 9-апрель 1993-йилда Қарақалпоғистон Республикаси Жүйкорғи Кенгесининг XII сессиясида қабул қилинди.

Қарақалпоғистон Республикасининг Давлат герби Қарақалпоғистон Республикасининг суверен давлат еканлигини билдиради.

Қарақалпоғистон Республикасининг Давлат герби – ўзида ўнг томони шоли бошоқларидан, сўл томони очилган пахта чаноқлари ва тоғ ортидан чиқоётган қуёшни, Амударё ва Арол мисоли

бўлган дарё ва денгиз расмлари тасвиrlанган.

Гербнинг ёқорги қисмида саккиз қирли шакли расм бўлиб, халиқларнинг бирлигини, унинг ичидаги ярим ой ва юлдуз расми мусулмонларнинг муҳаддас тимсоли ҳисобланади. Гербнинг марказида ҳиммат, олижаноблик ва фидойилик тимсоли бўлган афсонавий ҳумо қуши қанотларини ёзиб турибди. Ҳумо қуш расмининг ортида қорақалпоқ халқининг тарихий маданиятидан ҳисобланган Шилпиқ қорғонининг, яъний халқимизнинг маданияти тарихи узоқ-узоқларга бориб тақалса ҳам ҳамийша навқурон еркинлигини англатувчи қўрғон расми мавжуд.

Гербнинг пастки қисмида республика давлат байроғини ифода етuvчи чамбар лентасининг бандига "Қорақалпоғистон" деб ёзиб қўйилган.